



Broj/ Број: 01/a-50-1-15-83/10
Sarajevo/Сарајево, 2.9.2010.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je na 83. sjednici, održanoj 1.9.2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Prijedlog zakona o međunarodnom i međuentitetskom drumskom prijevozu, predlagač: Vijeće ministara BiH, zakon broj: 01,02-02-3-44/10, od 16.6.2010., sa Izvještajem Komisije za saobraćaj i komunikacije;
2. Prijedlog zakona o parlamentarnom nadzoru u oblasti odbrane, sigurnosti i obavještajno-sigurnosnih poslova, predlagač: Zajednička komisija za nadzor nad radom Obavještajno-sigurnosne agencije BiH, zakon broj: 01,02-02-8-45/10, od 25.6.2010., s Mišljenjem Zajedničke komisije za odbranu i sigurnost BiH;
3. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine, materijal broj: 01,02-12-757/10, od 10.6.2010.;
4. Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2009. godinu, materijal broj: 01,02-16-1-917/10, od 13.7.2010.;
5. Izvještaj o reviziji učinka o temi: Nabavka računarske opreme u institucijama BiH, materijal broj: 01/4-16-1-648/10, od 7.5.2010.;
6. Izvještaj komisije Kolegija o nastojanju za postizanje saglasnosti o zaključku poslanika Sadika Bahtića sa 81. sjednice Doma povodom rasprave o Informaciji Ministarstva sigurnosti BiH o policijskim aspektima akcije „Svjetlost“ i mjerama koje su tim povodom preduzete i Informaciji Vijeća ministara BiH o terorističkom napadu na Policijsku upravu u Bugojnu;
7. Izvještaj komisije Kolegija o nastojanju za postizanje saglasnosti o zaključcima poslanika Denisa Bećirovića sa 81. sjednice Doma povodom rasprave o Informaciji Ministarstva sigurnosti BiH o policijskim aspektima akcije „Svjetlost“ i mjerama koje su tim povodom preduzete i Informaciji Vijeća ministara BiH o terorističkom napadu na Policijsku upravu u Bugojnu;
8. Izvještaj komisije Kolegija o nastojanju za postizanje saglasnosti o zaključku poslanika Momčila Novakovića sa 81. sjednice Doma povodom rasprave o Informaciji Vijeća ministara BiH o terorističkom napadu na Policijsku upravu u Bugojnu;

9. Izvještaj komisije Kolegija o nastojanju za postizanje saglasnosti o zaključcima poslanika Huseina Nanića sa 81. sjednice Doma povodom rasprave o Informaciji o stanju javne zaduženosti Bosne i Hercegovine na dan 31.12.2009.;
10. Izvještaj komisije Kolegija o nastojanju za postizanje saglasnosti o zaključcima poslanika Nermine Zaimović-Uzunović sa 81. sjednice Doma povodom rasprave o Informaciji o stanju javne zaduženosti Bosne i Hercegovine na dan 31.12.2009.;
11. Informacija o stanju sigurnosti u Bosni i Hercegovini za period januar-mart 2010. godine, materijal broj: 01,02-04-898/10, od 2.7.2010.;
12. Informacija o dopisu Ministarstva sigurnosti BiH Ujedinjenim narodima povodom proglašenja pojedinih organizacija iz Bosne i Hercegovine povezanim s terorističkim organizacijama i stavljanju van snage dokumenta koji izaziva pravnu nesigurnost građana i institucija u Bosni i Hercegovini, materijal broj: 01,02-50-3-426-1/10, od 9.7.2010.;
13. Informacija o rješavanju statusa pripadnika Oružanih snaga Bosne i Hercegovine kojima ističu ugovori u 2010. godini, materijal broj: 01-03-943/10, od 19.7.2010.;
14. Informacija o zakupu institucija Bosne i Hercegovine u Budžetu za 2010. godinu – materijal broj: 01-50-3-807/10, od 8.7.2010.;
15. Davanje saglasnosti za ratifikaciju:
 - a) Sporazuma o saradnji u oblasti turizma između Vijeća ministara BiH i Vlade Crne Gore,
 - b) Sporazuma između Bosne i Hercegovine i Narodne Demokratske Republike Alžir o izbjegavanju dvostrukog oporezivanja i sprečavanju fiskalne evazije u odnosu na poreze na dohodak i imovinu,
 - c) Sporazuma o zračnom saobraćaju između Vijeća ministara BiH i Vlade Republike Indije,
 - d) Statuta Međunarodne agencije za obnovljivu energiju (IRENA),
 - e) Protokola između Vijeća ministara BiH i Vlade Republike Estonije o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole (Provedbeni protokol).

Ad.1.

Predstavnički dom *nije prihvatio* negativan Izvještaj Komisije za saobraćaj i komunikacije pa se Prijedlog zakona o međunarodnom i međuentitetskom drumskom prijevozu vraća Komisiji radi dostavljanja Domu novog izvještaja.

Ad.2.

Predstavnički dom *nije prihvatio* negativno Mišljenje Zajedničke komisije za odbranu i sigurnost BiH pa se Prijedlog zakona o parlamentarnom nadzoru u oblasti odbrane, sigurnosti i obavještajno-sigurnosnih poslova vraća Zajedničkoj komisiji radi dostavljanja Domu novog mišljenja.

Ad.3.

Predstavnički dom *usvojio je* Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine, s Mišljenjem Zajedničke komisije za ljudska prava, prava djeteta, mlade, imigraciju, izbjeglice, azil i etiku.

Ad.4.

Predstavnički dom *usvojio je* Izvještaj o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2009.

Ad.5.

Predstavnički dom *usvojio je* Izvještaj o reviziji učinka o temi: Nabavka računarske opreme u institucijama BiH s predloženim preporukama i zaključkom iz Mišljenja Komisije za finansije i budžet koji glasi:

„Predstavnički dom Parlamentarne skupštine BiH zadužuje Vijeće ministara BiH da donosi pravilnike o nabavci i standardizaciji: informatičke opreme, automobila, uredske i druge tehničke opreme za potrebe institucija BiH i to na prijedlog Ministarstva finansija i trezora BiH, uz mogućnost angažmana stručnih konsultantskih usluga.“

Ad.6.

Nakon što Kolegij kao komisija nije postigao saglasnost, u drugom krugu glasanja Predstavnički dom *nije usvojio* zaključak poslanika Sadika Bahtića sa 81. sjednice Doma povodom rasprave o Informaciji Ministarstva sigurnosti BiH o policijskim aspektima akcije „Svjetlost“ i mjerama koje su tim povodom preduzete i Informaciji Vijeća ministara BiH o terorističkom napadu na Policijsku upravu u Bugojnu koji glasi:

Obavezuje se Vijeće ministara BiH da bude nosilac definiranja strategije sigurnosti BiH, a ostala ministarstva da budu tijela za njenu izradu. U toku definiranja i izrade strategije sigurnosti BiH neophodna je koordinacija između nosilaca aktivnosti, tijela koja će saradivati i radne grupe koja će raditi na njenoj izradi.

Vijeće ministara BiH imenovat će radnu grupu eksperata iz svih oblasti i osigurati uslove neophodne za kvalitetan rad.

Po završetku izrade, strategija sigurnosti BiH bit će prezentirana članovima Predsjedništva BiH koji će nakon prihvatanja dati odobrenje za upućivanje konačnog dokumenta u parlamentarnu proceduru.

Radi otklanjanja tehničkih problema koji se mogu javiti u procesu definiranja strategije sigurnosti BiH, neophodno je razraditi metodologiju definiranja strategije sigurnosti BiH, dinamički plan i plan nadzora nad izradom projekta.

Kao ključno za koordinaciju i izradu dokumenta treba zadužiti Ministarstvo sigurnosti BiH. S obzirom na veliki značaj izrade dokumenta „Strategije sigurnosti BiH“, vremenski okvir za realiziranje projekta je oktobar 2010.

Ad.7.

Nakon što Kolegij kao komisija nije postigao saglasnost, u drugom krugu glasanja Predstavnički dom *nije usvojio* zaključke poslanika Denisa Bećirovića sa 81. sjednice Doma povodom rasprave o Informaciji Ministarstva sigurnosti BiH o policijskim aspektima akcije

„Svjetlost“ i mjerama koje su tim povodom preduzete i Informaciji Vijeća ministara BiH o terorističkom napadu na Policijsku upravu u Bugojnu, koji glase:

- 1. Predstavnički dom PSBiH zadužuje Vijeće ministara BiH da mu u roku od deset dana dostavi prijedlog sveobuhvatnih mjera usmjerenih na suprotstavljanje terorizmu, ekstremizmu, radikalizmu i fašizmu.**
- 2. Predstavnički dom zaključuje da će najkasnije u roku od 15 dana razmotriti prijedlog sveobuhvatnih mjera Vijeća ministara BiH usmjerenih na suprotstavljanje terorizmu, ekstremizmu, radikalizmu i fašizmu.**

Ad.8.

Nakon što Kolegij kao komisija nije postigao saglasnost, u drugom krugu glasanja Predstavnički dom **usvojio je** zaključak poslanika Momčila Novakovića sa 81. sjednice Doma povodom rasprave o Informaciji Vijeća ministara BiH o terorističkom napadu na Policijsku upravu u Bugojnu koji glasi:

Informacija se zajedno sa zaključcima vraća nadležnoj komisiji koja će još jednom razmotriti i postojeće dokumente i Informaciju Vijeća ministara BiH koja će u međuvremenu biti dostavljena.

Ad.9.

Nakon što Kolegij kao komisija nije postigao saglasnost, u drugom krugu glasanja Predstavnički dom **nije usvojio** zaključke poslanika Huseina Nanića sa 81. sjednice Doma povodom rasprave o Informaciji o stanju javne zaduženosti Bosne i Hercegovine na dan 31.12.2009., a koji glase:

- 1. Predstavnički dom PSBiH vraća na doradu Informaciju o stanju javne zaduženosti BiH na dan 31.12.2009.**
- 2. Zadužuje se Vijeće ministara BiH da u doradenu informaciju uvrsti podatke tražene zaključcima Komisije za finansije i budžet Predstavničkog doma PSBiH.**
- 3. Informacija treba biti dopunjena i podacima o zaduženosti svih nivoa vlasti u BiH kod komercijalnih banaka (općina, kantona, entiteta, javnih institucija) kao i o zaduženosti građana i privrede.**
- 4. Informaciju treba dopuniti procjenom zaduženosti BiH na osnovu planiranih projekata za BiH.**
- 5. Rok za dostavljanje doradene informacije o zaduženosti je 30 dana.**

Ad.10.

Nakon što Kolegij kao komisija nije postigao saglasnost, u drugom krugu glasanja Predstavnički dom **nije usvojio** zaključke poslanika Nermine Zaimović-Uzunović sa 81. sjednice Doma povodom rasprave o Informaciji o stanju javne zaduženosti Bosne i Hercegovine na dan 31.12.2009. koji glase:

- 1. Izjašnjavanje o materijalu odgoditi zbog odsustva ministra.**
- 2. Predstavničkom domu potrebno je dostaviti revidiranu informaciju kojom će biti obuhvaćen period do 30.6.2010., jer je u međuvremenu bilo novih zaduženja.**

NAPOMENA: Nakon što je završeno glasanje o zaključcima poslanika Huseina Nanića i Nermine Zaimović-Uzunović, Predstavnički dom *primio je k znanju* Informaciju o stanju javne zaduženosti BiH na dan 31.12.2009. *te usvojio zaključke* iz Mišljenja Komisije za finansije i budžet koji glase:

- 1. Predstavnički dom Parlamentarne skupštine BiH zahtijeva od Vijeća ministara BiH da u najkraćem roku zatraži od entitetskih vlada dostavljanje izvještaja o realiziranju kredita i dinamici realiziranja onih projekata za koje se plaćaju troškovi za neangažirana sredstva –commitment fee (interkalarna kamata).**
- 2. Predstavnički dom Parlamentarne skupštine BiH zadužuje Centralnu banku BiH i Ministarstvo finansija i trezora BiH da, u saradnji s drugim nadležnim institucijama, utvrde ukupan iznos vanjskog zaduženja privatnog sektora kako bi se imao pregled stanja ukupne zaduženosti na nivou BiH.**

Ad.11.

Predstavnički dom *primio je k znanju* Informaciju o stanju sigurnosti u Bosni i Hercegovini za period januar-mart 2010. godine.

Ad.12.

Informacija o dopisu Ministarstva sigurnosti BiH Ujedinjenim narodima povodom proglašenja pojedinih organizacija iz Bosne i Hercegovine povezanim s terorističkim organizacijama i stavljanju van snage dokumenta koji izaziva pravnu nesigurnost građana i institucija u Bosni i Hercegovini *nije primljena k znanju*.

Ad.13.

Informacija o rješavanju statusa pripadnika Oružanih snaga Bosne i Hercegovine kojima ističu ugovori u 2010. godini *primljena je k znanju*.

Ad.14.

Predstavnički dom *primio je k znanju* Informaciju o zakupu institucija Bosne i Hercegovine u Budžetu za 2010. godinu i *usvojio zaključke* iz Mišljenja Komisije za finansije i budžet koji glase:

- 1. Predstavnički dom PSBiH traži od Vijeća ministara BiH da u najkraćem roku usvoji Prijedlog odluke o odobravanju projekta nabavke/izgradnje zgrada za smještaj institucija BiH koji je predložilo Ministarstvo finansija i trezora BiH, a kojim bi se odobrio projekat nabavke dva objekta približno od po 2.000 m² u Banjoj Luci i Mostaru i projekat izgradnje objekta u Sarajevu, površine oko 10.000 m², radi rješavanja problema prioritnog smještaja pojedinih institucija BiH.**
- 2. Predstavnički dom PSBiH traži od Vijeća ministara BiH da izradi plan racionalizacije i smanjenja troškova zakupnina poslovnih prostora, stanova, skladišnih prostora, parking-prostora, prostora za smještaj telekomunikacijske opreme, zemljišta i opreme koje plaćaju institucije BiH.**
- 3. Predstavnički dom PSBiH traži od Vijeća ministara BiH da izradi i dostavi Strategiju za rješavanje problema zakupa na nivou institucija BiH s utvrđenim prioritetima,**

nosiocima obaveza i dinamikom realiziranja, a koja će posebno tretirati: standarde zakupa, visinu zakupnine, zakupe u DKP mreži i Ministarstvu odbrane BiH.

- 4. Predstavnički dom PSBiH traži od Ureda za reviziju institucija BiH da u izvještaje o reviziji finansijskog poslovanja institucija BiH za 2010. godinu uvrsti posebno poglavlje koje će se odnositi na kontrolu zakupa poslovnih prostora, stanova, skladišnih prostora, parking-prostora, prostora za smještaj telekomunikacijske opreme, zemljišta i opreme institucija BiH.**

Ad.15.

Prdstavnički dom *dao je saglasnost* za ratifikaciju:

- a) Sporazuma o saradnji u oblasti turizma između Vijeća ministara BiH i Vlade Crne Gore,
- b) Sporazuma između Bosne i Hercegovine i Narodne Demokratske Republike Alžir o izbjegavanju dvostrukog oporezivanja i sprečavanju fiskalne evazije u odnosu na poreze na dohodak i imovinu,
- c) Sporazuma o zračnom saobraćaju između Vijeća ministara BiH i Vlade Republike Indije,
- d) Statuta Međunarodne agencije za obnovljivu energiju (IRENA),
- e) Protokola između Vijeća ministara BiH i Vlade Republike Estonije o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole (Provedbeni protokol).

**PREDSJEDAVAJUĆI
PREDSTAVNIČKOG DOMA
Niko Lozančić**